

ბომბარდირმა “ფეხი აიღვა”

თბილისი. “ლოკომოტივის” სტადიონი. 15 სექტემბერი.

“დინამო” (თბილისი) – “დინამო” (მინსკი) 4:0 (2:0).

თბილისი: გოგია, ებრალიძე, კანთელაძე, ჭელიძე, ხინჩაგაშვილი, გავაშელი, მ. მაჩაიძე, ასათიანი (ძოძუაშვილი), გუცაევი, გ. ნოდია, ლ. ნოდია.

მინსკი: ვერგენკო, ბელოუსი, გირკო, სლოვაკი, კუზნეცოვი, პროკოპენკო (ოფჩინიკოვი), ბოგოვიკი, ვორონინი (კურნევი), ვასილიევი, ტიმოფეევი, სახაროვი.

მსაჯი: ვ. უარკოვი (მოსკოვი).

დუბლიორები – 2:0 მინსკელთა სასარგებლოდ.

აუტსაიდერებთან ბრძოლა გათამაშების დასასრულს მუდამ ძნელია, ახლა კი, როცა ჩემპიონატის ბოლომდე სულ რამდენიმე ტური დარჩა და ჯერ არც ერთ გუნდს არა აქვს გადანურული უმაღლეს ლიგაში ადგილის შენარჩუნების იმედი, ისინი ვალდებული არიან იბრძოლონ დიდი თავგამოდებით და თუნდაც თითო-ოროლა ქულით აინაზღაურონ ის დიდი დანაკარგი, რომელიც სეზონის მსვლელობაში განიცადეს.

“ფახთაქორი” და მინსკის “დინამო” სწორედ ის გუნდები არიან, რომლებისთვისაც განსაკუთრებით მწვავედ დგას უძლიერესთა შორის ყოფნა-არყოფნის საკითხი და ძნელი წარმოსადგენია, რომ თბილისში მთელი ძალით, მონდომებით არ ეთამაშათ. ისინი კი ერთნაირი დიდი ანგარიშით დამარცხდნენ მასპინძლებთან. ეს საფუძველს გვაძლევს ვილაპარაკოთ თბილისის “დინამოს” თამაშის საგრძობ ხარისხობრივ გაუმჯობესებაზე, საერთო საბრძოლო განწყობილების ამალგებაზე, გამარჯვებისადმი სწრაფვაზე. როგორც ტაშვენტელებთან, ისე მინსკელებთან ჩვენი ფეხბურთელები თამაშობდნენ დამაჯერებლად, მოფიქრებულად, გეგმიანად და გამარჯვებას მიაღწიეს არა თავგანწირვის ხარჯზე, არამედ კარგი ტაქტიკური ურთიერთმოქმედებით, რგოლების შეთანხმებული თამაშით, მოწინააღმდეგის სუსტი ადგილების გამოყენებით.

რახან სუსტი ადგილების გამოყენებაზე ჩამოვავდეთ სიტყვა, უნდა მოვიყვანოთ ამის დამადასტურებელი მაგალითიც. როგორც კი დაიწყო თამაში, მინსკელთა ცენტრალურმა მცველმა გირკომ მარცხენა ფლანგზე გადაინაცვლა და კუზნეცოვს უკან ამოუდგა. როცა სტოპერი ასეთ მანევრს ასრულებს, ცხადია, მას დავალებული აქვს მცველს დაეხმაროს. ამ შემთხვევაში გირკო ეხმარებოდა კუზნეცოვს, რათა უვნებლყო გუცაევის მოსალოდნელი გარღვევები. მაგრამ ამ შემთხვევაში დასაცავი დარჩა ყველაზე სახიფათო ზონა კარის წინ – ცენტრალური. ეს ფუნქცია თავის თავზე უნდა აეღო პროკოპენკოს.

სტუმრებმა ვერ გაართვეს თავი ამ რთულ ურთიერთდაზღვევას, თბილისელებმა კი საუცხოოდ გამოიყენეს მათი სისუსტე. ჯერ ერთი, კუზნეცოვ-გირკოს “დუეტმა” ვერ შეძლო გუცაევის ნეიტრალიზება, ვინაიდან ეს უკანასკნელი ზუსტი გადაცემებით ამარაგებდა თავის პარტნიორებს ცენტრში და, ამას გარდა, თვითონაც ორჯერ ჰქონდა გოლის გატანის რეალური შანსი, როცა პირისპირ გავიდა ვერგენკოსთან და ვერ გამოიყენა კარის აღების საუკეთესო შესაძლებლობანი, მეორეც და, რაც მთავარია, გადაცემათა უმრავლესობა მინდვრის შუაგულიდანაც და ფლანგებიდანაც გამიზნული

იყო გ. ნოდისკენ, რომელიც საბოლოოდ კონკრეტული დარაჯის გარეშე აღმოჩნდა დატოვებული, თავისუფლად აირჩევდა ადგილებს კარის წინ და ზუსტად გადიოდა ბურთის მისაღებად იქ, სადაც ყველაზე სახიფათო სიტუაცია იქმნებოდა.

ოთხ ბურთს ერთ მატჩში შემთხვევით და მხოლოდ ილბალზე ერთი ფეხბურთელი ვერ გაიტანს. ეს ცნობილი ამბავია ფეხბურთში. გ. ნოდამ კი გაიტანა და ამასთან სამი – თავით. რა თქმა უნდა, ეს მოხდა იმიტომ, რომ ნოდამ აზრიანად გამოიყენა მინსკელთა დაცვაში დაშვებული შეცდომები, კარგად ირჩევდა თავისუფალ ადგილს, მოქმედებდა გაბედულად, ოსტატურად და არც მხარდაჭერა აკლდა პარტნიორების მხრივ.

სიმპტომატურია ის, რომ მთელი პირველი ტაიმის განმავლობაში გოგიას არც ერთხელ, ამ სიტყვის სრული მნიშვნელობით, არ მოუხდა ბურთის აღება რომელიმე მინსკელი ფეხბურთელის დარტყმის შემდეგ. ჩვენი გუნდის მცველები თამაშობდნენ აქტიურად, ეხმარებოდნენ ერთმანეთს, ნახევარდაცვაში კვლავ გამოიჩინა თავი გავაშელმა, ასათიანი კი შეუცდომლად ასრულებდა დისპეტჩერის საპასუხისმგებლო როლს. კარგი შთაბეჭდილება დატოვა ლ. ნოდამაც.

კვლავ ვუბრუნდებით გ. ნოდის. ძალიან სასიხარულოა, რომ დინამოელთა მთავარი ბობმარდირი ისევ შევიდა ფორმაში და შეუდგა თავისი მთავარი მოვალეობის შესრულებას – გოლების გატანას. ბოლო 2 მატჩში მის მიმართ კარგის მეტი არაფერი გვეთქმის.

მაგრამ აუტსაიდერებთან მოგებული მატჩები, თუნდაც დიდი ანგარიშით, საბოლოოდ არ წყვეტს გუნდის წინაშე მდგარ რთულ პრობლემებს. დარჩენილ 6 მატჩში, როგორც შინ, ისე მოწინააღმდეგეთა მინდვრებზეც, საჭიროა კიდევ უფრო მეტი ენერჯით და მობილიზებით თამაში, რათა XXXV ჩემპიონატის ფინიში საპრიზო ადგილით დამთავრდეს: დახედეთ ცხრილს და ნათელი გახდება, რომ შეუძლებელი აქ არაფერია: მესამე ადგილს სულ ორიოდ ქულა გვაშორებს!

ახლა მატჩის ქრონოლოგიური მსვლელობის შესახებ. მე-18 წუთზე ასათიანმა შესანიშნავი გადაცემებით გაიყვანა გარღვევაზე ლ. ნოდია, მან ზუსტად ჩააწოდა კართან და გ. ნოდამ თავური დარტყმით გახსნა ანგარიში. 35-ე წუთზე ასათიანმა შეამჩნია კარგ პოზიციაში მყოფი გავაშელი და არ დაუგვიანა მას ბურთი. გავაშელი ვერგენკოს პირისპირ აღმოჩნდა. მოატყუა მეკარე და სხვა გამოსავალი რომ არ ჰქონდა, ვერგენკო იძულებული იყო წაეყცია იგი. პენალტი? ეს სასჯელი ეჭვს არ ინვევდა, მაგრამ ვ. ჟარკოვმა რატომღაც საჭიროდ არ მიიჩნია 11-მეტრიანის დანიშვნა.

4 წუთის შემდეგ ლ. ნოდამ კარის წინ მიანოდა კუთხური, გ. ნოდამ დაასწრო მცველებს და თავით გაგზავნა ბურთი ბადეში – 2:0.

81-ე წუთზე გუცაევმა მარცხენა ფრთაზე გადაინაცვლა, აქდან გადააწოდა გ. ნოდის და მინსკელთა კარში მესამე ბურთი აღმოჩნდა კვლავ თავური დარტყმის შედეგად. მატჩის დამთავრებამდე 7 წუთით ადრე კი ვერგენკომ ვერ შეაჩერა ხელებში ებრალიძის მიერ დარტყმული ბურთი და გ. ნოდამ მეოთხედ აიძულა სტუმრები ცენტრიდან დაეწყოთ თამაში.

დარჩენილ დროში გ. ნოდისა შეეძლო გაემეორებინა ლენინგრადელი ე. შელაგინის, თბილისელების – დათუაშვილისა და გავაშელის რეკორდი – ერთ მატჩში 5 გოლი, მაგრამ ხელსაყრელი მდგომარეობიდან ბურთი მიზანს ვერ მოახვედრა.

ბ. ქორქია.
“ლელო”, 18 სექტემბერი, 1973 წ.